

續修天津縣志後序
邑乘之失修久矣失修
久則續修難畏其難而
姑待之斯愈難矣津邑
舊志創修於乾隆四年
凡天文之分野疆域之

界限川澤之會歸物產
之豐饒賦課之徵輸戶
口之蕃息祠署之建置
官常之職守以及登進
人材表彰節義綱舉目
張粲然具備已自時厥

後百餘年來廢興沿革
佚事遺聞或傳或不傳
使無人焉起而繼之將
聲名文物之邦掌故無
聞識者慨焉况乎
列聖時巡

翠華屢駐

宸章炳耀藻野儀川

盛典煌煌允宜黼黻休明垂諸

奕禩為一邑之光榮乎
官斯土者間嘗一再議
及卒不果蓋有難焉者

也則畏難而姑待之，
說也夫百餘年事類繁
賾而以一人之耳目心
力旁撙遠紹一、囊括
於眉睫几案間誠哉其
難矣然因其難而竟聽

其湮沒漫滅如煙雲之
過眼渺不可追後即有
抗懷既往濡毫染翰者
欲追溯纂述而無從吾
知更夏，乎難矣咸豐
庚申冬 宮保崇公地

山以大廷尉奉

命秉節駐劄津門辦理通商諸
政同治元年春復奉

旨會辦海防天津通永鎮道統
歸節制十載以來招攜
懷遠之餘簡軍實訓士

卒製機器墾水田加書
院課以勗寒畯增延生
社以濟貧民良法美意
洪纖具舉戊辰春捻匪
擾及直境公奉

旨督辦軍務集官紳議戰守

濬濠修牆練兵募勇昕
夕不遑四月初擒匪全
股回竄直撲郡城公激
厲將士督率官紳登陴
固守匪屬聚於城南之
八里臺頓不敢進迨援

軍四集悍卒游勇以衆
為勢洶々然將乘機肆
擾公協和將帥撫循綏
輯籌餉濟糧力顧大局
統觀前後所上各疏其
學問經濟可概見矣卒

使外寇返奔內患不作
措郡城於磐石之安公
之大有造於津邑者豈
淺鮮哉公尊人見亭
先生以甲科起家由京
秩歷官河督勲業炳然

公克紹前徽故所莅之
地諮訪利弊規畫經營
不遺餘力不以職非司
牧存諉卸權宜之見知
稟承有自來矣茲於退
食之暇殷然以續邑志

為急蓋公前官長蘆
使時即有志焉而未逮
也初延德清俞蔭甫太
史任其事未幾太史旋
浙復屬余重輯之自維
譎陋乏著作才深虞蚊

負且上下百餘年獻渺
文微措手非易適訪有
邑廩生蔣君玉虹纂稿
若干卷公購得之以付
局起於乾隆初年至嘉
慶二十二年止網羅散

佚事多可採然距今又
五十年矣姻丈沈雲巢
方伯引疾歸里余就正
方伯惟於人物列女藝
文諸志時參酌焉今春
全帙告竣體例悉循舊

志闕者補之無庸續者
略之至必不可不續者
無冊可稽寫書都門與
省垣各署詳查迄未見
覆而歷時既久勢難再
待白於公先付剞劂以

俟續補是役也揆求詢
訪裒輯襄助二尹王君
鏞增生高君聚奎之力
為多朝攷夕究校訛辨
誤兒輩廷瑛等亦與焉
後之作者尚其隨時增

輯毋畏難毋姑待俾珥
筆從事者不致曠日持
久勉為其難而仍無解
於挂漏缺略之譏也則
幸甚矣

同治九年歲次庚午夏

四月

賜進士出身前雲南鹽法道
翰林院編修 國史館
提調吳惠元序并書

